



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm VI. Dilectus.

[urn:nbn:de:hbz:466:1-62559](#)

instituere potest: Imò, si Legatus à latere vél cum potestate Legati à latere missus sit, electiones Episcoporum, & aliorum Prælatorum Sedi Apostolicæ immediatè subiectorum, confirmare potest, c. Si Abbatem, 36. de elect. in 6. Alioquin examen & informationes ad Sedem Apostolicam mittere debet, & ex eo tempore se non amplius immiscere, ut hic dicitur.

2. NOTANDVM II. Si Iudex, examen cauſæ, seu causam instructam, ad Principem referre decreuerit, & partes approbarint, suspensa interim est eius iurisdictio, vt procedere, vel immutare aliquid non possit. Ita etiam habetur in l. ex illo, 13. C. de appell. c. nomen, 12. quod est S. August. epist. 13. 7. ad Clerum & populum Hipponeensem, causa 2. q. 1. Sed cum partium consensu Iudex causam refumere potest, vt Gl. hic docet, ver. transtulerat, argum. l. 2. C. de relationibus. Veruntamen postquam relatio seu causa constructa Principi presentata est, tum neq; cum partium consensu Iudici cognoscere, aut quipiam immutare concessum est, ne illudatur Principi, vt colligitur ex c. bona. 4. de postul. Prælator. & monet Ioann. Andr. hic n. 4. Imola n. 6. Abb. n. 3. Plura de hac materia docet Ioann. Andr. & alij DD. in c. intimasti, 68. de appellat.

CAPITVLUM VI.

Dilectus.

PARAPHRASIS.

Episcopus Prænestinus Apostolicæ Sedi Legatus Roberto Methensi Canonico Ecclesiæ S. Trudonis contulerat: Sed Methensis Archidiaconus molestationes intulit Canonico, non permittens eum pacifica possessione frui, ed quod ipso inconsulto, ad quem ius præsentandi pertinebat, Ecclesiæ adeptus esset. Hoc intellecto, Papa Innocent. III. quibusdam à se de' egatis mandauit, vt di' solum Archidiaconum, remota appellatione, cogant cessare à molestationibus: propterea quod Prælatus plus

juris habeat in beneficiorum concessione, quam patronus: Neq; patrono præjudicium inferatur, si quando ipso inconsulto Apostolicæ Sedis Legatus Ecclesiæ aliquam confert.

SUMMARIUM.

1. *Legatus de latere confert beneficium uancans, licet sint iurispatronari ecclesiastici; non autem si sint iurispatronari Laicorum.*
2. *Neque tamen in sex mensibus assignatis per Concordata Germania ordinarijs Collatoribus eos præueniendo beneficium conferre potest.*
3. *Plus iuris confertur per institutionem Prælatorum ad beneficium, quam per presentationem patroni.*

NO T A N D V M I. Legatus Sedi Apostolicæ, si à latere sit seu Candinalis, conferre potest beneficia, sita in provincia sua, tametsi sint de iure patronatus Ecclesiastici. Sed iurispatronatus laicorum, aut etiam clericorum, si ex bonis patrimonialibus acquisitum sit, Legatus derogare non potest, c. cùm dilectus, 28. iun. Gl. magna, de iure patron. Cùm neque Papa huic iuri derogare vñquam censeatur, nisi exprimat, vt docuit lib. 4. Th. mor. tr. 2. c. 13. q. 3. & tradit hic Abb. n. 4. cum Gl. recepta in Clem. 2. de præbend. ver. Apostolicis.

Id verò dubitatur: An Legatus à latere in sex mensibus assignatis per Concordata Germania ordinarijs Collatoribus eos præueniendo beneficia conferre possit. Ita affirmat Ioann. Chokier in reg. Cancell. 40. de derogat. iurispatron. n. 75. Garcias. pag. 5. de benefic. c. 3. n. 42. Sed contrarium, vt æquius, magis placet: quod Rotam Rom. sensisse Aduocati referunt apud Gambarum de potest. Legati à latere circa beneficia, lib. 3. n. 207. Quia Concordata Nicolai V. cum natione Germanica censentur trânsfere in pectum, cui nec Sum. Pontifex derogare solet, licet ex plenitudine potestatis suæ, absolute loquendo derogare possit. Sin autem beneficiorum collatio propter inferiorum Collatorum

Iatorum negligentiam ad Papam deuoluta
fuit, Legatus Apostolica auctoritate conferre
poterit, secundum Gl. fin. communiter rece-
ptam in c. i. eod. in 6.

NO T A N D V M II. Plus iuris confertur
per institutionem Prælati ad beneficium,
quam per præsentationem patroni. Nam, vt
Innoc. hic ait, per collationem seu institu-
tionem acquiritur prouiso ius in beneficio:
non item per præsentationem, sed solum
acquiritur præsentato actio personalis con-
tra Episcopum, vt ipsum instituat, si ido-
neus sit, c. pastoralis, 29. de iure patronatus.
Quare haec est Innocentij ratiocinatio: Si
Legatus à latere ordinario collatoris, seu Pre-
lato Ecclesiastico præjudicare potest, præve-
nendo eum in collatione beneficij, c. si à se-
de, 30. de præb. in 6. multò magis præjudica-
re potest patrono Ecclesiastico: cum is mi-
nus ius habeat, quam collator: partim quia
ille ex gratia habet ius patronatus; collator
autem ratione officij, seu dignitatis suæ: par-
tim quia, vt dictum est, præsentatio parum
iuri tribuit instituendo, sed multum colla-
tio seu institutio.

Accedit, si in aliquo casu Pontifex, vel
Legatus eius beneficium conferat patrono
inconsulto, ipsi tamen ius patronatus non
aferatur, cum in alijs casibus præsentare
possit.

CAPITVLUM VII.

Nouit.

PARAPHRASIS.

Legatus Apostolicæ Sedis mandatum ha-
buerat à Pontifice, vt regnum Franciæ in-
terdicto subijceret, quod etiam executus
est. Sed Rex Galliæ putabat irritam esse
promulgationem, quod facta esset à Lega-
to, posteaquam fines regni Franciæ egres-
sus esset. Sed Innoc. III. respondit, id ni-
hil referre: Quia licet fines regni exierit,
non tamen terminos suæ legationis eges-
sum esse: cum non tantum in regnum
Francorum, sed etiam in Viennensem, Lug-

densem, & Bisuntinam prouincias Le-
gatus destinatus fuerit.

SUMMARIUM.

1. *Legatus ad plures prouincias in unae-
rum existens iurisdictionem exercere
potest erga alias.*
2. *Non autem exercere iurisdictionem suā
potest extra legationis sue fines, nisi vo-
luntariam dispensando, absoluendo, le-
gitimando. &c.*

NO T A N D V M I. Si Legatus ad plures pro-
uincias destinatus sit, tum in vna earum
existens iurisdictionem exercere potest erga
alias. Nam sicuti Pontifex in quacunque or-
bis terrarum parte existens iurisdictionem
erga quoslibet Christianos exercere potest;
ita & Legatus in quocunque loco prouinciarum
aut prouinciarum suæ legationi attributa-
rum iurisdictionem exercet erga prouinci-
ales quoslibet sibi à Papa subiectos. Sed be-
ne monet Abb. hic n. 2. quod Legatus partes
non debeat sumptibus grauare, extra pro-
uinciam trahendo; cùm possit causam alteri
delegare; imò etiam Vicarium constituere,
sicuti Episcopus: Nam etiam proconsules,
& Præsides prouinciarum (quibus Legati
æquiparantur cap. 2. eod. tit. in 6.) Vicarios
constituebant, vti colligitur ex lib. 1. tit. 16.
ff. de officio Proconsulis, & Legati.

NO T A N D V M II. Legatus extra lega-
tionis seu prouinciarum sibi commissarum
fines existens, iurisdictionem exercere non
potest. Ita etiam de Proconsule statutum
est in l. 1. ff. de Proconsule: *Potestatem non
exercet, nisi in ea prouincia sola, qua ei decre-
ta est.*

Verum bene monet ibi Gl. margin. & Gl.
hic ver. terminos, Innoc. n. 2. Abb. n. 3. Quod
Legatus extra prouinciam, sicuti & quilibet
alius Ordinarius extra diœcesin existens,
possit exercere iurisdictionem voluntariam,
dispensando, absoluendo, legitimando, bene-
ficia & gratias conferendo, vti constat ex l.
2. ff. de offic. Proconsul. Rationem dedi in
lib. 1. tr. 5. p. 1. c. 4. n. 2. & seqq. Quia vñica
causa, cur Ordinarius extra territorium

Rrrr 3 suum